



Organizacioni odbor za pripremanje i realizaciju Programa obilježavanja Dana Grada Sarajeva u 2018. godini

Broj: 04-GV-05-395/18

Datum: 26.03.2018. godine

**ZAPISNIK O RADU TREĆE SJEDNICE
ORGANIZACIONOG ODBORA ZA PRIPREMANJE I REALIZACIJU PROGRAMA
OBILJEŽAVANJA DANA GRADA SARAJEVA U 2018. GODINI
ODRŽANE 26.03.2018. GODINE**

Prisutni:

1. Dr. Igor Gavrić, predsjedavajući
2. Prof. Dr. Velija Katica,
3. Mira Jurić, članica
4. Edina Gabela, član
5. Vibor Handžić, član
6. Bajro Biber, član
7. Srđan Srdić, član
8. Tea Mušić, član
9. Safet Krajišnik, član
10. Milan Trivić, član

Odsutni: Sead Srna, član, Ivica Šarić, član, (najavljen izostanak) Abdulah Skaka, član, Snežana Omukić, po ovlaštenju, umjesto Lana Velić, član, Vedran Dodik, član, Miro Lazović, član

Iz Gradske službe za Gradsko vijeće sjednici prisustvovala:

- Mirjana Đanović Stanić, šef Odsjeka za stručne poslove

Sjednici prisustvovala Erna Čolić, šef Kabineta Gradonačelnika.

Predsjedavajući je pozdravio prisutne, otvorio sjednicu te utvrdio kvorum za punovažan rad i odlučivanje.

Bez rasprave, jednoglasno je usvojen Zapisnik o radu Druge sjednice Organizacionog odbora za pripremanje i realizaciju Programa obilježavanja „Dana Grada Sarajeva“ u 2018. godini.

Sjednica je počela s radom jednoglasnim usvajanjem sljedećeg **dnevnog reda**:

1. Praćenje pripreme, odnosno realizacije Programa obilježavanja Dana Grada Sarajeva u 2018. godini
2. Tekuća pitanja



Ad 1)

Uvodno izlaganje je podnijela predstavica Gradonačelnika u kome je prezentirala konačno utvrđen Program obilježavanja Dana Grada Sarajeva u 2018. godini, a koji je dostavljen članovima Odbora kao prilog zapisnika sa prošle sjednice.

I. Poslije rasprave i sažetka Predsjedavajućeg, jednoglasno je **zaključeno** kako slijedi.

1. U Program obilježavanja Dana Grada Sarajeva u 2018. godini uvrštava se i 8. "STELEKSIJADA 2018", sportska manifestacija koja će se održati u organizaciji Udruženja studenata Elektrotehničkog fakulteta "Steleks" Sportska manifestacija koju organizuje Udruženje studenata Elektrotehničkog fakulteta „Steleks“, a koja okuplja veliki broj studenata Univerziteta u Sarajevu koji se takmiče u više sportskih disciplina kao što su mali nogomet, košarka, šah, stoni tenis i dr. Manifestacija će se održati pod finansijskim pokroviteljstvom Grada Sarajeva, u skladu s finansijskim mogućnostima kao dio ovog programa.
2. U Program obilježavanja Dana Grada Sarajeva u 2018. godini uvrštava se i Sedma Međunarodna revija sporta u organizaciji V Gimnazije Dobrinja u Sarajevu u kome sudjeluju učenici srednjih škola iz cijele Bosne i Hercegovine i susjednih zemalja pod finansijskim pokroviteljstvom Grada Sarajeva, u skladu s finansijskim mogućnostima kao dio ovog programa.
3. Sastavni dio Programa obilježavanja Dana Grada Sarajeva u 2018. godini postaje i predstava Narodnog pozorišta u Sarajevu “Kralj Lir” koja se održava 04. aprila u večernjim satima, a koja će se ponuditi kao sadržaj po izboru gostima Grada Sarajeva koji stižu u Sarajevo već 04. aprila.
4. U skladu sa zaključcima sa prošle sjednice Odbora konstatirano je da je sastavni dio Programa postao koncert danske grupe EINSATZ u organizaciji Radio „M“ (06.04.2018. godine - Dom mladih Skenderija, u 21.00 sati), kao i Međunarodni memorijalni boks turnir u povodu 6. aprila, obilježavanje prve medalje za Bosnu i Hercegovinu na mediteranskim igrama 1993. godine u organizaciji Bokserskog saveza Kantona Sarajevo,(kraj aprila - kontakt telefon 061/146-232 predsjednik Saveza, Almedin Fetahović), te Modul memorije Internacionalnog teatarskog festivala MESS – Izložba fotografija Ron Haviva (06. april – otvaranje izložbe u Vijećnici – izložba ostaje otvorena do 09. maja), a da je Javna tribina Vijeća kongresa bošnjačkih intelektualaca „Sarajevo – Glavni grad Bosne i Hercegovine“ (04. i 05. aprila, prostorije VKBI, velika sala Bošnjačkog instituta i Sala Gradskog vijeća u Vijećnici – varijantna rješenja) je izostavljena iz Programa na prijedlog Gradonačelnika iz objektivnih razloga vezanih za organizaciju u okviru obilježavanja Dana Grada Sarajeva, te će se organizirati u drugom terminu.

II. Konačan Protokol polaganja cvijeća i odavanja počasti za 05. i 06. april povodom obilježavanja 6. aprila Dana Grada Sarajeva u svemu kako je prezentiran, bit će uručen gradskim vijećnicima tokom 14. sjednice Gradskog vijeća.

III. Pozivnice za Svečanu sjednicu će biti upućeni 27.03.2018. godine na adrese u skladu sa usaglašenom protokolarnom listom zvanica s tim da će pozivnice biti nadopunjene i osnovnim elementima iz protokola za vijećnike, odnosno goste, te naznakom za “dress code” (pozivnice za ručak, otvaranje Trebevičke žičare, pozivnice za večeru i dr. Generalni podaci o Svečanoj sjednici navedeni u Zapisniku sa Druge sjednice Odbora ostaju isti, izuzev što se Svečana večera za goste Grada Sarajeva i dobitnike Nagrade, te gradske vijećnike organizira na drugoj lokaciji van Vijećnice.

Ad 2)

Po ovoj tački dnevnog reda nije bilo zaključaka.

Zapisničar

Mirjana Đanović Stanić

PREDSJEDAVAJUĆI ODBORA

Dr. Igor Gavrić, s.r.